

## პირველი ნიუსი

საქართველოს პრემიერ-მინისტრი ირაკლი ღარიბაშვილი ბელგიის სამეფოში დაგეგმილი ვიზიტის ფარგლებში, ევროპული საბჭოს პრეზიდენტ შარლ მიშელს შეხვდება. შეხვედრა 14 ივნისს გაიმართება. პრემიერი ბრიუსელში სხვა მაღალი დონის ორმხრივ შეხვედრებსაც გამართავს. ვიზიტის ფარგლებში, იგეგმება პრემიერ-მინისტრის სიტყვით გამოცხადებული ფესტივალ „ევროპალიასა“ და საქართველოს დამოუკიდებლობის დღის აღსანიშნავად გამართულ საზეიმო მიღებაზე.

პრემიერ-მინისტრის ხელმძღვანელობით, გუშინ მთავრობის სხდომა გაიმართა. ირაკლი ღარიბაშვილმა სხდომის დაწყებამდე რამდენიმე განცხადება გააკეთა, მათ შორის, ყურადღება გამამხვილა ეკონომიკის მიმართულებით დადებით ტენდენციებზე. „ძალიან დადებითი ტენდენციები გვაქვს ეკონომიკის მიმართულებით. ამის თაობაზე ინფორმაცია აქვს მოსახლეობას, ჩვენს საზოგადოებას. პირდაპირი უცხოური ინვესტიციები განსაკუთრებით მაღალ მაჩვენებელს ინარჩუნებს. პირველ კვარტალში თითქმის ნახევარი მილიარდი დოლარის პირდაპირი უცხოური ინვესტიცია დაფიქსირდა საქართველოში, რაც, რა თქმა უნდა, ძალიან პოზიტიურია“, - განაცხადა პრემიერ-მინისტრმა.

ეროვნული ბანკი რუსეთიდან შემოსული შავი ფულის გასარეცხად უნდათ. ამისთვის სჭირდებათ მორჩილი, ყურმოჭრილი მონა, რომელიც ყველაფერს გააკეთებს, - განაცხადა „სტრატეგია აღმაშენებლის“ დეპუტატმა პაატა მანგალაძემ. საკანონმდებლო ცვლილების მიხედვით, რომელსაც პრეზიდენტმა ხელი არ მოაწერა, ეროვნული ბანკის საბჭოში პირველი ვიცე-პრეზიდენტის პოსტის შემოღება ხდება, რომელიც ეროვნული ბანკის პრეზიდენტის არყოფნის შემთხვევაში მის მოვალეობას შეასრულებს. სალომე ზურაბიშვილი პარლამენტს სთავაზობს, პირველი ვიცე-პრეზიდენტის თანამდებობა არ შემოიღოს, ხოლო ბანკის პრეზიდენტის არყოფნის დროს ერთ-ერთი ვიცე-პრეზიდენტის მიერ მისი მოვალეობის შესრულების საკითხი ეროვნული ბანკის საბჭომ გადაწყვიტოს.

პარტია „ნაციონალური მოძრაობის“ თავმჯდომარის განცხადებით, საუბარი იმაზე, რომ თურმე „ნაციონალური მოძრაობა“ პრემიერ-მინისტრობის კანდიდატად მიხეილ სააკაშვილის წარდგენას აპირებს, უტყუარებელია. როგორც ლევან ხაბეიშვილმა აღნიშნა, სააკაშვილი უკრაინის მოქალაქეა და მას სურს, უკრაინის პოლიტიკაში, მათ შორის, საქართველოს საკეთილდღეოდ, ჩაერთოს.

მომზადდა  
ი.ა. შველიძემ

## თორნიკე რიჟვაძე ნიუ-იორკის მერ ერიკ ადამსს შეხვდა

ამერიკის შეერთებულ შტატებში ოფიციალური ვიზიტის ფარგლებში აჭარის მთავრობის თავმჯდომარე თორნიკე რიჟვაძე ნიუ-იორკის მერ ერიკ ადამსს შეხვდა.

შხარებმა თანამშრომლობის პერსპექტივები განიხილეს და კონკრეტული პროექტების განხორციელების შესახებ გაცვალეს ინფორმაცია. ასევე, საუბარი შეეხო ოფიციალური ვიზიტის ფარგლებში განხორციელებულ მნიშვნელოვან შეხვედრებს და მიღწეულ შედეგებს. აჭარის მთავრობის მეთაურმა ნიუ-იორკის მერს ქვეყნისა და რეგიონის ეკონომიკური, ტურისტული, საინვესტიციო პოტენციალისა და ბოლო პერიოდში მიღწეული პროგრესის შესახებ მიაწოდა ინფორმაცია.

შხარებმა განიხილეს საქართველოსა და ამერიკის შეერთებულ შტატებს შორის არსებული სტრატეგიული პარტნიორობა, ერთობლივი ინფრასტრუქტურული და საინვესტიციო პროექტების განხორციელებისთვის გეგმები დასახეს.

„ჩვენ განვიხილეთ პარტნიორობის გაძლიერება, ერთობლივი ინფრასტრუქტურული პროექტები და ინვესტიციები აშშ-დან. საქართველო რჩება სამაგალითო ქვეყნად როგორც სამშვიდობო პოლიტიკით, ისე იმ ეკონომიკური პროგრესით და ზრდით, რომელიც ბოლო წლების განმავლობაში აქვს ჩვენს ქვეყნას მისი მთავრობის და ბატონი პრემიერ-მინისტრის ხელმძღვანელობით.“



ით. შესაბამისად, მერთან ერთად დაგეგმეთ პროექტები, რომლებიც გააძლიერებს ჩვენს პარტნიორობას, ასევე, ხელს შეუწყობს პირდაპირ ინვესტიციებს ამერიკიდან“, - განაცხადა თორნიკე რიჟვაძემ.

შეერთებულ შტატებში ვიზიტის ფარგლებში

ში აჭარის მთავრობის თავმჯდომარემ არაერთი ოფიციალური შეხვედრა გამართა, იგი შეხვდა მაიამი ბიჩის და მაიამი დეიდის მერებს, ფლორიდის გუბერნატორს, ასევე, გამართა შეხვედრები ბიზნესწრეების ხელმძღვანელ პირებთან.

აჭარის მთავრობის პრესსამსახური

## სამოვრების მდგრადი მართვის ეროვნული პოლიტიკის კონცეფცია განიხილეს

ჯანდაცვა ბაზაიძე 514 22 22 80

აჭარის სოფლის მეურნეობის სამინისტროში სამოვრების მდგრადი მართვის ეროვნული პოლიტიკის კონცეფცია განიხილეს. შეხვედრას აჭარის სოფლის მეურნეობის მინისტრი ზაზა შავაძე, მინისტრის მოადგილე ირმა აფხაზავა, სამინისტროს თანამშრომლები და მუნიციპალიტეტების მერები ესწრებოდნენ.

კონცეფციის დოკუმენტის ძირითადი მიმართულებები მიწის მდგრადი მართვისა და მიწათსარგებლობის მონიტორინგის ეროვნული სააგენტოს თავმჯდომარე გიორგი მიშელაძემ, კავკასიის რეგიონული გარემოსდაცვითი ცენტრის (REC Caucasus) წარმომადგენლებთან ერთად, აჭარის სოფლის მეურნეობის სამინისტროში გამართულ შეხვედრაზე განიხილა.

„სამოვრების მდგრადი მართვის ეროვნული პოლიტიკის კონცეფცია“ მიზანია, ხელი შეუწყოს სამოვრების აღდგენის პროცესებს, მეცხოველეობის დარგის ინტენსიურ განვითარებასა და



პროდუქტიულობის ზრდის ძირითად გამოწვევებს.

„სამოვრების მდგრადი მართვის ეროვნული პოლიტიკის კონცეფცია“ შემუშავდა პროექტის „მიწის დეგრადაციის ნეიტრალური ბალანსის (LDN) ეროვნული მიზნების მიღწევა დეგრადირ-

ებული სამოვრების აღდგენისა და მდგრადი მართვის გზით“ ფარგლებში ჩამოყალიბებულ უწყებათშორის სამუშაო ჯგუფთან კოორდინაციით, ეროვნული და საერთაშორისო ექსპერტების მიერ. პროექტის მხარდამჭერია გლობალური გარემოს დაცვის ფონდი (GEF).

ჯანდაცვის მინისტრმა  
მიმდინარე პროგრამებსა  
და დაგეგმილ სიახლეებზე  
ისაუბრა

4

ფურტიოს სკოლა  
საუკუნოვანი  
იუბილესთვის  
ეგზადება

6

ISSN 2720-8702



9 772720 870003

## გამოიწერეთ გაზეთი «აჭარა»!

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სა-  
დისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დანმარებით თქვენს მისამა-

რთზე მიიღებთ გაზეთ «აჭარის» ყოველ მომდევნო ნომერს.

გამოიწერეთ და ითანამშრომლეთ გაზეთ «აჭარასთან»!

ჩვენთვის ძვირფასია თითოეული თქვენგანის აზრი!

წამოჭრილი პრობლემების შემთხვევაში დაგვიკავშირდით: 577 20 43 55.



## სომხეთის ბენეკალური კონსული – ბათუმის მერიას

ბათუმის მერი არჩილ ჩიქოვანი ბათუმში სომხეთის რესპუბლიკის გენერალურ კონსულ ნარინე მათოსიანს შეხვდა

გაცნობითი ხასიათის შეხვედრაზე მერმა კონსულს თანამდებობაზე დანიშნა მიულოცა და დიპლომატიურ საქმიანობაში წარმატებები უსურვა.

შეხვედრაზე მიმოიხილეს ორ ქვეყანას შორის არსებული კეთილშეშობითი ურთიერთობები და სამომავლო თანამშრომლობის პერსპექტივები.

არჩილ ჩიქოვანმა კონსულს ბათუმის ტურისტული პოტენციალი და მიმდინარე პროექტები გააცნო.

თავის მხრივ, კონსულმა გამოთქვა მზაობა სხვადასხვა სფეროში არსებული მჭიდრო თანამშრომლობის კიდევ უფრო გაღრმავების თაობაზე.



## უფასო სამედიცინო აქცია – ბათუმის რესპუბლიკურ საავადმყოფოში

მარტინა ბაბაიძე 514 22 22 80

აჭარის ჯანმრთელობისა და სოციალური დაცვის მინისტრის პირველი მოადგილე მარი ზანაქიძე და ქალაქ ბათუმის მერის მოადგილე ლელა სურმანიძე ბათუმის რესპუბლიკურ კლინიკურ საავადმყოფოში უფასო სამედიცინო აქციის მიმდინარეობას დაესწრნენ

მინისტრის პირველმა მოადგილე მარი ზანაქიძემ აღნიშნა, რომ უფასო სამედიცინო კონსულტაცია, დიაგნოსტიკური და ინსტრუმენტული კვლევები აჭარის მოსახლეობის სხვადასხვა მიზნობრივ ჯგუფებს უტარდებათ. მოწვეული არიან თბილისის კლინიკების წამყვანი ექიმები. სამედიცინო აქციის ორგანიზატორია ორგანიზაცია „ქართული



ოცნება – ჯანმრთელი მომავალი“, ხოლო მხარდამჭერები არიან აჭარის ჯანმრთელობისა და სოციალური დაცვის სამინისტრო, ქალაქ ბათუმის მერია და საქართველოს პარლამენტი.

უფასო სამედიცინო აქციაში მონაწილეობდნენ თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკის, ამერიკულ-ქართული ჰოსპიტლის, სამედიცინო ცენტრ „ვიგამედის“ და „ვეგესის“ კლინიკების წამყვანი ექიმები.

სამედიცინო აქციით სარგებლობა შეუძლიათ ვეტერანებს და მათი ოჯახის წევრებს, საჯარო სკოლების პედაგოგებს, იძულებით გადაადგილებულ პირებს და სოციალურად დაუცველ ოჯახებს.

## „ევროპის ახალგაზრდული პარლამენტი 2023“

აჭარის განათლების, კულტურისა და სპორტის სამინისტროს ფინანსური მხარდაჭერით, პროექტის „ევროპის ახალგაზრდული პარლამენტი 2023“ ფარგლებში მე-11 კლასის 10 მოსწავლე დანიაში იმყოფებოდა

გუშინ, პროექტში მონაწილე მოსწავლეებს აჭარის განათლების, კულტურისა და სპორტის მინისტრის მოადგილე ზაურ ახვლედიანმა და ახალგაზრდობის რეგიონული ცენტრის დირექტორმა თამარ გაბაიძემ უმასპინძლეს.

პროექტში „ევროპის ახალგაზრდული პარლამენტი“ ჩართული



იყო ოთხი ქვეყანა - დანია, შვედეთი, გერმანია და საქართველო. უნდა ითქვას, რომ მასში ჩვენი ქვეყანა წელს პირველად მონაწილეობდა.

პროექტის ფარგლებში საგანმანათლებლო ღონისძიებების გარდა, ჩატარდა კლასგარეშე აქტივობები, რომელთა მიზანი მოსწავლეებს შორის გამომდინარეობის გაზიარება იყო.

აღსანიშნავია ის ფაქტი, რომ 2024 წელს, მასპინძელი ქვეყანა საქართველოა.

აჭარის მთავრობის პრესსამსახური

## ევროკლუბი – სკოლაში

ცოტნე ცაგაძე 27 48 04

საზოგადოებას კარგად ახსოვს ევროკავშირის თანადგინანებით ქედის მუნიციპალიტეტში ამოქმედებული. 90-მდე პროექტი, რომელმაც 500-მდე ადამიანი დაასაქმა

ევროკავშირი ქედის მუნიციპალიტეტთან ურთიერთობას კვლავ აგრძელებს. ამის დასტურია ევროკავშირის ელჩის პაველ ჰერჩინსკის ქედში სტუმრობა. ელჩმა დაბა ქედის საჯარო სკოლაში ევროკლუბი გახსნა, რომელიც მესამეა საქართველოში. იგი მნიშვნელოვან წვლილს შეიტანს რეგიონის განვითარებასა და განათლების

ხელმისაწვდომობის გაძლიერებაში.

ევროკავშირის ელჩს ქედის მუნიციპალიტეტის მერის მოადგილე იმედა ვასაძე, მამუკა ფარტენაძე, საკრებულოს თავმჯდომარე ამირან ცინცაძე, მისი მოადგილე რომან დავითაძე, ქედის რესურსცენტრის უფროსი დურმიშხან შავიშვილი მიგზურობდნენ.

- ეს კლუბი კიდევ ერთი მნიშვნელოვანი საგანმანათლებლო და კულტურული კერა იქნება, რომელიც ხელს შეუწყობს ადგილობრივი ახალგაზრდების ევროსტრუქტურებში ჩართულობას, - თქვა პაველ ჰერჩინსკიმ...



## აჭარის შესახებ სტატიები, ბლოგები და რეპორტაჟები ისრაელსა და კოლონიალურ გამოქვეყნება

აჭარაში მოგზაურობის შესახებ ებრაელი და პოლონელი ჟურნალისტები მასალებს ამზადებენ. ისინი რეგიონში აჭარის ტურიზმის დეპარტამენტის მოწვევით იმყოფებიან

ჟურნალისტები უკვე სტუმრობდნენ ბათუმის ძირითად ტურისტულ ღირსშესანიშნაობებს: ბათუმის ბოტანიკურ ბაღს, პეტრას ციხეს, დელფინარიუმს, ასევე, მთიან აჭარას, სადაც ადგილობრივი ღვინო და კერძები დააგემოვნეს, ფოთ-კლორულ შოუს დაესწრნენ და ქედის ტურისტული ადგილები მოინახულეს. პრესტურის ბოლოს ჟურნალისტებმა მტირალას ეროვნული

პარკი დალაშქრეს და იქ არსებული ტურისტული სერვისებით ისარგებლეს.

მედიატურის მონაწილეებს შორის არიან პოლონეთისა და ისრაელის წამყვანი ვებპორტალების, ტელევიზიის, რადიოს ჟურნალისტები და ცნობილი ბლოგერები, რომელთა მიერ მომზადებული სტატიები, ბლოგები და რეპორტაჟები ივნისის განმავლობაში გამოქვეყნდება.

აჭარის ტურიზმის დეპარტამენტი რეგიონის პოპულარიზაციისა და უცხოელი ტურისტების მოზიდვის მიზნით პრესინფორმაციების ორ-



განიზებას სამიზნე ქვეყნებიდან აქტიურად გააგრძელებს. მიმდინარე წელს აჭარას უკვე სტუმრობდნენ სერბი, კორეელი, არაბი, უზბეკი,

ვაზახი ჟურნალისტები. 2022 წელს, რეგიონს 500-მდე ჟურნალისტი, ბლოგერი, ტურისტული სააგენტოს წარმომადგენელი სტუმრობდა.

## შაბათ-კვირის ქრონიკა

სახელმწიფო პროგრამის „აჭარაში საქართველოში“ ფარგლებში, ქედის მუნიციპალიტეტს ორი ახალი განათლების ობიექტი შეემატა. ბრენდის სახელია „ერთი დღე სოფელში“. პროგრამა მთელი საქართველოს მასშტაბით სარგებლობს. ფინანსური მხარდაჭერა ითვალისწინებს პოტენციური ბენეფიციარებისათვის მიზნობრივი გრანტის გამოყოფას მაქსიმუმ 30 000 ლარის ოდენობით. „აჭარაში საქართველოში“ სახელმწიფო პროგრამის მიერ და მცირე მეწარმეობის ნაწილის მიზანია თანამედროვე სამეწარმეო კულტურის დამკვიდრებისა და ახალი სამუშაო ადგილების შექმნისთვის, ბიზნესის წამოწყებისათვის ან არსებული გადარჩევისათვის აუცილებელი ფინანსური მხარდაჭერა და ტექნიკური დახმარება.

საბავშვო ბაღებში ავტორიზაციის მისაღებად მზადება დაიწყო. მიმდინარე წელი სკოლამდელი დაწესებულებების თვითშეფასებას დაეთმობა. ავტორიზაციის გასაგებლად საბავშვო ბაღები სკოლამდელი განათლების სტანდარტებს უნდა შეესაბამებოდეს. დამტკიცდა სტრატეგია. დაწესებულებებმა უნდა უზრუნველყოს ინფრასტრუქტურული სტანდარტები, ბაღის განათლება მხოლოდ პირველ და მეორე სართულზე იქნება ნებადართული. კანონით განსაზღვრული იქნება ერთ ჯგუფში აღსაზრდელების და აღმზრდელების რაოდენობაც. ამ ეტაპზე, საბავშვო ბაღები მხოლოდ ორი მიმართულებით, შრომის უსაფრთხოებისა და კვების ხარისხის კუთხით მოწმდება. რეგორმის გატარების შემდეგ, ავტორიზაციის გავლა საბავშვო ბაღებს ყოველ ოთხ წელიწადში ერთხელ მოუწევთ. საბავშვო ბაღების ავტორიზაციის პროცესი 2029 წელს უნდა დასრულდეს.

სუთი ახალი ტურისტული მარშრუტი ამოქმედდა აჭარაში. ადრენალინისა და ექსტრემის მოყვარულებს ზაფხულის სეზონზე აჭარის სოფლების მიმართულებით სათაგადასავლო მარშრუტები ელოდებოდა. სამთო სათაგადასავლო ტურიზმის განვითარებისთვის 25-მდე საფეხმავლო მარშრუტი გაიხსნა, ახალ ტურისტულ ლოკაციებზე მისულ ვიზიტიორებს ადგილზე საოჯახო სასტუმროები, გლამფინგი და კოტეჯები დახვდებათ, საბინკე ლოკაციების მოწყობისთვის 500 ათასი ლარი დაიხარჯა. აჭარის ტურისტული პორტუგალიის განვითარების სააგენტოში განმარტავენ, რომ სოფლებში არსებულ ჩანჩქერებთან დაკავშირებით დაინტერესება გაიზარდა, რის გამოც მთებში არსებული ჩანჩქერების შესწავლა და აღრიცხვა დაიწყო, პარალელურად რამდენიმე ჩანჩქერის მიმართულებით ინფრასტრუქტურული სამუშაოები განხორციელდა.

აჭარის განათლების, კულტურისა და სპორტის სამინისტროში სამინისტროსა და აჭარის სპორტის დეპარტამენტის ხელმძღვანელობა ჩვენი რეგიონის წარმატებულ სპორტსმენებს - მოფარიკავე ანანო ჯინჭარაძეს, ძიუდოისტებს თომა გელაშვილს და საბა ბოლქვაძეს შეხვდა. ანანო ჯინჭარაძემ ბულგარეთში გამართულ საერთაშორისო ტურნირზე რაბირთ ფარიკაობაში 14-წლამდელთა შორის შვიდი შეხვედრა მოიგო და ჩემპიონი გახდა. თომა გელაშვილმა ძიუდოში ბრადის ევროპის თასზე იასპარეზა და ბრინჯაოს მედალს დაეუფლა. რაც შეეხება საბა ბოლქვაძეს, ახალგაზრდა ძიუდოისტმა ამჟამად ისრაელში გამართულ სამზოს ტურნირზე იასპარეზა და ბრინჯაოს მედალი მოიპოვა.

მომზადდა ნაირა შუტაბაძემ





# ჯანდაცვის მინისტრმა მიმდინარე პროგრამებსა და დაბეგმულ სიახლეებზე ისაუბრა

ნანა აბულაძე 577 20 35 90

**„მინისტრის საათის“ ფარგლებში აჭარის საკანონმდებლო ორგანოში აჭარის ჯანმრთელობისა და სოციალური დაცვის მინისტრი სამინისტროს საქმიანობის შესახებ მოხსენებით წარსდგა**

ნინო ნიჟარაძემ მიმდინარე წლის იმ მნიშვნელოვან პროგრამებსა და ღონისძიებებზე გაამახვილა ყურადღება, რომლებსაც სამინისტრო ახორციელებს, ასევე - 2023 წელს დაწესებული სიახლეებზე. მინისტრის ინფორმაციით, სამინისტროს 2022 წლის ბიუჯეტი 99%-ით შესრულდა, ხოლო 2023 წლის ბიუჯეტი 15%-ითაა გაზრდილი და 33 მილიონ 235 000 ლარს შეადგენს. მისივე თქმით, ჯანმრთელობის დაცვის მიმართულებით 16 მილიონი ლარი, ხოლო სოციალური დაცვის მიმართულებით 14 მილიონი ლარია გათვალისწინებული. სამინისტრო საქ-

ანსება, ასევე ტყვიის ექსპოზიციის კვლევა 7-14 წლის ასაკის ბავშვებში. დაიწყო საზღვაო სფეროში დასაქმების ხელშეწყობის პროგრამა.

2023 წელს დაიწყო თვალის ბადურის მძიმე დაავადებების მკურნალობა ძვირადღირებული მედიკამენტებით, ალკოჰოლის შედეგად გამოწვეული ქცევითი აშლილობის სტაციონარული მკურნალობა, გაიზარდა დაფინანსება ძვლის ტვინის გადანერგვის პროგრამაში: აუტოლოგიური ტრანსპლანტაცია 95 000-125 000 ლარით. ალოგენური ტრანსპლანტაცია 170 000-200 000 ლარით, შაპლოიდური ტრანსპლანტაცია 205 000 - 235 000 ლარით, გულის ტრანსპლანტაციის დაფინანსება 220 000 ლარამდე გაიზარდა. ასევე გაიზარდა სიმსივნის საწინააღმდეგო მედიკამენტების ნუსხა და წლიური ლიმიტი - 35 000 ლარამდე (1 ივლისიდან), გაიზარდა

ავადანდა სრულად იფარება, დაიწყო შშმ პირების მშობელთა და ორსულთა ერთჯერადი მატერიალური დახმარების პროგრამა, ფსიქიკური აშლილობის მქონე შშმ პირთა საცხოვრისი უზრუნველყოფის პროგრამის დაგეგმვა მე-4 საცხოვრისი. ეკომიგრანტი ოჯახების საცხოვრებელი უზრუნველყოფის პროგრამის თანადაფინანსება გაიზარდა 40 000-ლარამდე, დაიწყო ახალშობილთა მეტაბოლური სკრინინგი, ორსულთა სკოლის პროგრამა. აქვე მოგახსენებთ, რომ დაწყებულია ახალი პროგრამა - დასაქმებისა და თვითდასაქმების ხელშეწყობა სამუშაო იარაღების უზრუნველყოფის გზით, ასევე ახალი პროგრამა - ინფორმაციულ-ტექნოლოგიურ სფეროში დასაქმება-თვითდასაქმებისათვის საჭირო უნარების განვითარება. აქვე ინფორმაციისთვის გეტყვით, რომ 2021 წელთან შედარებით



**|| საზოგადოებრივი ჯანდაცვის მიმდინარე წლის ბიუჯეტი 3 761 780 ლარს, ხოლო დასაქმების სააგენტოს ბიუჯეტი 1 135 720 ლარს შეადგენს. 2022-2023 წლებში სამინისტროს პროგრამებით ჯამში 75 611-მა მოქალაქემ ისარგებლა, მათ შორის ჯანმრთელობის დაცვის სერვისით 17 792-მა მოქალაქემ, სოციალური დაცვის - 21 139-მა მოქალაქემ, საზოგადოებრივი ჯანდაცვის პროგრამებით - 36 384-მა მოქალაქემ, ხოლო დასაქმების ხელშეწყობით 296-მა მოქალაქემ**

გეუწყებო ორგანიზაციებთან ერთად ჯამში 36 პროგრამას ახორციელებს:

- საზოგადოებრივი ჯანდაცვის მიმდინარე წლის ბიუჯეტი 3 761 780 ლარს, ხოლო დასაქმების სააგენტოს ბიუჯეტი 1 135 720 ლარს შეადგენს. 2022-2023 წლებში სამინისტროს პროგრამებით ჯამში 75 611-მა მოქალაქემ ისარგებლა, მათ შორის ჯანმრთელობის დაცვის სერვისით 17 792-მა მოქალაქემ, სოციალური დაცვის - 21 139-მა მოქალაქემ, საზოგადოებრივი ჯანდაცვის პროგრამებით - 36 384-მა მოქალაქემ, ხოლო დასაქმების ხელშეწყობით 296-მა მოქალაქემ. რაც შეეხება 2022 წელს, შემდეგი პროგრამული სიახლეები განხორციელდა: დაინერგა უშვილობის დიაგნოსტიკა და მკურნალობის პროგრამა, გულისა და ონკოქირურგიის თანადაფინანსება სრულად იფარება. დაიწყო იდიოპათიური მანკილოზებული სპონდილიტის, ფსორიაზისა და ფსორიაზული ართრიტის ძვირადღირებული მედიკამენტების დაფინანსება, ონკოლოგიურ პაციენტთა მოლეკულურ-გენეტიკური კვლევის დაფინ-

პოზიტრონ-ემისიური კომპიუტერული ტომოგრაფიული (PET/CT) კვლევის დაფინანსება 90-100%-მდე.

გასულ წელთან შედარებით 200 000 ლარით გაიზარდა უშვილობის პროგრამის ბიუჯეტი, რომელ-

2022-2023 წლებში ვაკანსიების რაოდენობა გაიზარდა 10%-მდე, სამუშაო ადგილები - 16%-ით, დასაქმების მაჩვენებელი - 19%-ით, მათ შორის გრძელვადიანი - 72%-ით. 2022-2023 წლებში, დარეგისტრირ-



იც შეადგენს 700 000 ლარს, გაფართოვდა პროგრამაში ჩასართავ ბენეფიციართა კრიტერიუმები. ინტენსიური თერაპიის მომსახურების თან-

და 1097 მოქალაქე, დასაქმდა 1172, მათ შორის ერთჯერადი - 35, დროებითი - 329, გრძელვადიანი - 808.

2022-2023 წლებში რესპუბლიკური ბიუჯეტიდან სტიქიისა და ხანძრის შედეგად დაზარალებული 335 მოქალაქე 3 748 719 ლარით დაფინანსდა. ჯანმრთელობისა და სოციალური დაცვის მიმართულებით - 2266 მოქალაქე 5 848 270 ლარით, - განაცხადა ნინო ნიჟარაძემ.

მინისტრის ინფორმაციით, სამინისტრო გასცემს 25 სახეობის დამხმარე საშუალებას, რომლითაც ყოველწლიურად სარგებლობს 1 000-მდე მოქალაქე, ყოველწლიურად ფინანსდება 2 000-მდე ბავშვის რეაბილიტაციის სხვადასხვა კურსი, ასევე - 875-მდე მოზარდილის რეაბილიტაციის სხვადასხვა კურსი, ღვიძლის, ძვლის ტვინისა და გულის ტრანსპლანტაციებით კი ჯამში გადარჩენილია 98 სიცოცხლე.

- მინდა ყურადღება გავამახვილო დაგეგმილ ღონისძიებებზე.

დაიწყება გადაუდებელი ქირურგიული ოპერაციების თანაგადახდის დაფინანსება, 25 000 ლარამდე გაიზარდება დაფინანსება, დემატება საკორექციო ორთოპედიული ნაწარმი, ნებისმიერი დონის ორთეზი.

გაორმაგდება საომარი მოქმედებების დროს დაღუპულთა ოჯახების ფინანსური დახმარება, ამოქმედდება ახალი პროგრამა - სპორტსმენ ბავშვთა კარდიული სკრინინგი. ასევე, იწყება მასშტაბური სამედიცინო ინფრასტრუქტურული პროექტების განხორციელება. დაგეგმილია №1 პოლიკლინიკის, ბათუმის სასწრაფო სამედიცინო დახმარების ცენტრისა და ფტოზიო-პულმონოლოგიური დეპარტამენტის შენობების მშენებლობა-რეაბილიტაცია. ეკომიგრანტი ოჯახებს შეეძლება პროგ-

რამის ფარგლებში შეისყიდონ საცხოვრებლად ვარგისი ფართი ექსპლუატაციაში არშესულ კორპუსში. პირველი ივლისიდან დაგეგმილია თვალის ბადურის მძიმე დაავადებების მკურნალობა ძვირადღირებული მედიკამენტებით და ამ კუთხით დაგეგმილია პროგრამით მოსარგებლეთა არეალის გაფართოება. დაიწყება ღვიძლის ტრანსპლანტაციის შემდგომი მკურნალობის დაფინანსება ერთი წლის განმავლობაში, - აღნიშნა აჭარის ჯანმრთელობისა და სოციალური დაცვის მინისტრმა.

ნინო ნიჟარაძის თქმით, 2014 წლიდან დღემდე აჭარის მთავრობის სარეზერვო ფონდიდან სამედიცინო და სოციალური მიმართულებით გამოიყო 15 122 590 ლარი, დახმარება გაეწია 5 810-ზე მეტ ოჯახს.

დღის წესრიგის მიხედვით დეტალებზე კიდევ სამი საკითხი განიხილეს: აჭარის უმაღლესი საბჭოს დადგენილების პროექტი „აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტის დამტკიცების შესახებ“, აჭარის ავტონომიური რესპუბლიკის კანონის პროექტი „აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“, სხდომის დასასრულს კი დეტალებზე წინაშე საზოგადოებრივი მათემატიკის აჭარის ტელევიზიისა და რადიოს მრჩეველთა საბჭოს 2022 წლის საქმიანობის ანგარიშით აღნიშნული საბჭოს თავმჯდომარე გიგა ჩხარტიშვილი წარსდგა.

## უკრაინა

უკრაინის თავდაცვის მინისტრის მოადგილე ანა მალიარმა განაცხადა, რომ უკრაინის თავდაცვის ძალებმა დონეცკის ოლქის სოფელი მაკარივკა რუსი დამპყრობლებისგან გაა-მაკარივკა. „დასახლებები ბლაჰოდატნე და მაკარივკა დეოკუპირებულია“, - განაცხადა მან. მისივე თქმით, ბახმუტის რაიონში უკრაინის ჯარები აგრძელებენ თავდასხმით მოქმედებებს. სამხრეთში, მალიარის ცნობით, უკრაინული ძალები ორ სექტორში 300-დან 1500 მეტრამდე დაწინაურდნენ. „არც ერთი პოზიცია არ დაკარგულა იმ რაიონებში, სადაც ჩვენი ჯარები თავდაცვითაა“, - დასძინა მალიარმა. მანამდე გავრცელებული ინფორმაციით, უკრაინის თავდაცვის ძალებმა დონეცკის ოლქის სოფლები ბლაჰოდატნე და ნესკუჩნე დაიბრუნეს.

\*\*\*

უკრაინამ რუსეთის ტყვეებიდან 95 ჯარისკაცი გაათავისუფლა, - ინფორმაციას უკრაინული მედია ტყვეებთან დაკავშირებულ საკითხებზე მომუშავე საკოორდინაციო შტაბზე დაყრდნობით ავრცელებს. მათივე ინფორმაციით, გათავისუფლებულებს შორის არიან უკრაინის შეიარაღებული ძალების 51 წარმომადგენელი (მათ შორის თავდაცვის ძალების 15 წევრი), ეროვნული გვარდიის 29 წევ-

რი, 11 მესაზღვრე და ოთხი სამხედრო მეზღვაური. მათგან ორი ოფიცერია, დანარჩენები კი რიგითები და სერჟანტები არიან. საკოორდინაციო შტაბში აცხადებენ, რომ შესაძლებელია გახდა დამცველების დაბრუნება, რომლებიც კერძო სამხედრო დაჯგუფება „ვანგერის“ და ქვედანაყოფ „ახმატის“ ტყვეობაში იმყოფებოდნენ. გათავისუფლებულებს შორის არიან მარიუპოლის (მათ შორის „აზოვსტალის“) და კუნძულ „ზმეინის“ დამცველები, ტყვეები ჩერნობილის ატომური ელექტროსადგურიდან.

\*\*\*

კახოვკის კაშხლის განადგურებასთან დაკავშირებით სისხლის სამართლის საერთაშორისო სასამართლომ გამოძიება დაიწყო, - განაცხადა უკრაინის პრეზიდენტმა ვოლოდიმირ ზელენსკიმ. „ბოლო დღეებში, სისხლის სამართლის საერთაშორისო სასამართლომ წარმომადგენლები ზერსონის ოლქს ეწვივნენ. სტიქიის შემდეგ პირველივე დღეს გენერალურმა პროკურორმა სტიქიის გამოძიების თხოვნით ICC-ის პროკურატურას მიმართა და მუშაო უკვე დაწყებულია. ძალიან მნიშვნელოვანია, რომ საერთაშორისო მართლმსაჯულების წარმომადგენლებმა საკუთარი თვალით ნახეს რუსეთის ტერორისტული აქტის შედეგ-

ბი და თავად გაიგეს, რომ რუსული ტერორი გრძელდება და გრძელდება დატბორილი ტერიტორიის, ევაკუაციის ზონის ყველაზე ცივიკური და სასტიკი დაბომბვით“, - აღნიშნა ზელენსკიმ.

\*\*\*

უკრაინელი დამცველები დონეცკის ოლქში წინსვლას აგრძელებენ. ოდესის საზღვაო ძალების განცხადებით, კონტრშეტევის ფარგლებში, დონეცკის ოლქის სოფელი სტოროჟევიე გაათავისუფლეს, რომელიც 2022 წლის მარტიდან იყო ოკუპირებული. „დასახლებების გაწმენდის შედეგად ორმოცდაათამდე „რაშისტი“ დაიღუპა, ოთხი ტყვედაა აყვანილი. დღეს სახელმწიფო დროშა ისევ ფრიალებს სტოროჟევიეში და ასე იქნება ყველა დასახლებაში, სანამ არ გავათავისუფლებთ მთელ უკრაინულ მიწას“, - ნათქვამია საზღვაო უკრაინის განცხადებაში. დასახლების დეოკუპაცია უკრაინის თავდაცვის სამინისტრომ დადასტურეს. მინისტრის მოადგილე ანა მალიარმა მადლობა გადაუხადა საზღვაო ქვეითებს და ხაზგასმით აღნიშნა, რომ მთელი უკრაინული მიწა გაათავისუფლდება.

\*\*\*

კახოვკის კაშხლის განადგურების შედეგად მდინარე დნიპროს მიმდებარე ტერიტორი-

ებზე წყალდიდობის ზონაში წყლის დონე კლებას განაგრძობს, - ამის შესახებ ზერსონის ოლქის გუბერნატორმა ალექსანდრე პროკუდინმა განაცხადა. მისი თქმით, მდინარის უკრაინის მიერ კონტროლირებად დასავლეთ სანაპიროზე წყალი 64 სანტიმეტრით შემცირდა, მაგრამ ამ დროისთვის, დატბორილი რჩება თითქმის 50 დასახლება - 32 უკრაინის მიერ კონტროლირებად ტერიტორიაზე და 14 - რუსეთის მიერ ოკუპირებულ აღმოსავლეთ სანაპიროზე. პროკუდინის თქმით, დნიპროს დასავლეთ სანაპიროზე 3 700-ზე მეტი სახლი დაიტბორა და იმის მიუხედავად, რომ რუსული ძალები საარტილერიო დაბომბვას განაგრძობენ, მოქალაქეების ევაკუაცია გრძელდება. „მდინარის დასავლეთ სანაპიროდან 2700-ზე მეტი ადამიანი, მათ შორის 228 ბავშვი გა-მოიყვანეს“, - აღნიშნა პროკუდინმა. რაც შეეხება რუსეთის მიერ ოკუპირებულ აღმოსავლეთ სანაპიროს, მოსკოვის მიერ დანიშნულმა ზერსონის ოლქის ადმინისტრაციის ე.წ. ზედმძღვანელმა ვლადიმერ სალდომ განაცხადა, რომ დატბორილი ტერიტორიებიდან 7100 ადამიანის ევაკუაცია განხორციელდა.

# ხატია ჭყონია: „ბათუმთან“ ერთად გავრწამდებით მივალნავ

მარიამ ხოთაძე 27 48 93

ჩვენი დღევანდელი სტუმარი საქართველოს ქალთა ეროვნული ნაკრებისა და საფეხბურთო კლუბ „ბათუმის“ ფეხბურთელი ხატია ჭყონიაა. ფეხბურთის მიმართ სიყვარულს ადრეული ბავშვობიდან ავლენდა. ჯერ კიდევ მაშინ, როცა გოგონათა გუნდები არ არსებობდა, ბურთის კენწვლით იყო გატაცებული

თავდაპირველად თამაში ქობულეთში ჩამოყალიბებულ ქალთა გუნდში დაიწყო. რამდენადაც საქართველოში ქალთა ჩემპიონატი ჯერ კიდევ არ იმართებოდა, 2009 წელს ის თურქულ კლუბ „ტრაბზონსპორში“ ჩაირიცხა. სლოვენური გუნდის „კრკას“ წინააღმდეგ სადებიუტო მატჩში ხატია გოლით გამოიჩინა თავი. მომდევნო სეზონში იგი ტრაპიზონში არსებულ მეორე გუნდში „ტრაბზონ იდმანჩაღში“ გადავიდა, სადაც ორი წელი დაჰყო. ყველაზე დიდი ხნით ხატია „ყარაღენიზში“ თამაშობდა - სამ სეზონში ჩატარებულ 55 თამაშში მან 31 გოლი გაიტანა. 2018 წელს კონტრაქტი ქალთა თურქული ლიგის ყველაზე ტიტულოვან კლუბთან, იზმირის „ქონაქ“ ბელედისპორთან გააფორმა, რომელმაც 2012-2017 წლებში ზედიზედ ხუთჯერ მოიპოვა ქვეყნის ჩემპიონის ტიტული. 2019 წლის ივლისში სამშობლოში დაბრუნდა და საფეხბურთო კლუბ „ლანჩუთს“ შეუერთდა. საერთო ჯამში, თურქეთში ჩატარებულ 168 თამაშში მან 87 გოლი გაიტანა. 2019 წელს საქართველოს ფეხბურთის ფედერაციის მიერ ორგანიზებულ ყოველწლიური დაჯილდოების ცერემონიაზე ხატია ჭყონიამ ქალთა ლიგის საუკეთესო ფეხბურთელის პრიზი მოიგო. 2020 წლის ოქტომბერში მან ქართული ფეხბურთის რეკორდი დაამყარა - ჩემპიონატის ერთ თამაშში გატანილი 15 გოლით. ამავე წელს ქალთა საფეხბურთო კლუბმა „ლანჩუთმა“ დიდი სენსაცია მოახდინა, როცა უეფას ქალთა ჩემპიონთა ლიგაზე დებიუტანტის რანგში გამოსვლისას, ორი ეტაპი გადალახა და 32 გუნდს შორის მოხვდა. აღსანიშნავია, რომ კლუბის მიერ ჩატარებულ ოთხ მატჩში ხატია ჭყონიამ სამჯერ აიღო მეტოქეთა კარი, რუმინული „ოლიმპიას“ კარში მის მიერ გატანილი გამარჯვების გოლი კი ფეხბურთის ფედერაციამ წლის საუკეთესო გოლად აღიარა. ეს პირველი შემთხვევა იყო, როცა აღნიშნული პრიზი გოგონათა გუნდის წევრს მიენიჭა. ჭყონიამ ასევე ზედიზედ მეორედ გაიმარჯვა წლის საუკეთესო ფეხბურთელი ქალის ნომინაციაში. პირველი საერთაშორისო სანაკრებო მატჩი ხატია მსოფლიო ჩემპიონატის შესარჩევ რაუნდში ითამაშა 2011 წელს, საბერძნეთის წინააღმდეგ. მას 27-ჯერ აქვს მიღებული მონაწილეობა ნაკრების თამაშებში, რომლებშიც 7 გოლი

გაიტანა. 34 წლის ვეტერანი თავდასხმელი ახლა საქართველოში იმყოფება და საფეხბურთო კარიერას ბათუმში აგრძელებს.

- ხატია, როდის დაინტერესდით ფეხბურთით?

- რაც თავი მახსოვს, სულ ბურთზე ვიყავი შეყვარებული. ჩვენი სკოლის უკან მოედანი იყო, სადაც ბიჭებს ავარჯიშებდნენ. გოგონების გუნდი არ არსებობდა, მათთან ვვარჯიშობდი. ყოველდღე ვცდილობდი, ბურთი ამეკენწლა, თუ ერთი დღე ოთხს აგუგუწავდი, მეორე დღეს შედეგს ვაუწყობდები. მეორე სხვა უბანში გადავედი, სადაც მოედანიც იყო და ბიჭებიც ხშირად თამაშობდნენ ფეხბურთს. ჩემ გარეშე არ იწყებდნენ, სულ მეძახდნენ. მათაც დიდი წვლილი მიუძღვით ჩემს განვითარებაში. ერთხელ სკოლებს შორის შეჯიბრება ჩატარდა, რომელსაც სპორტსკოლის დირექტორი ზურა კახიძე ესწრებოდა. ეს ადამიანი მაშინ დაინტერესდა ჩემით და ქობულეთში ქალთა გუნდი ჩამოაყალიბა. 10-11 წლის ვიყავი, როცა ბათუმის გუნდში გადავედი, მეორე თბილისსა და ბათუმს ჰქონდა შეხვედრა, რის შემდეგაც ჩამოყალ-

ჩემი პირველი კლუბი საქართველოში სწორედ „ბათუმი“ იყო. ის პერიოდი ძალიან კარგად მახსენდება. ერთად ბევრი საინტერესო და კარგი საქმე გავაკეთეთ. ახლაც თითქმის იგივე ფეხბურთელები დამხვდნენ, სტაფიც იგივეა. აქაურობასთან უამრავი სასიამოვნო მოგონება მაკავშირებს, ძალიან კარგი ადამიანები არიან. გამიხარდა, რომ შევთანხმდით. ვფიქრობ, შედეგიანი ტრანსფერი გააკეთეს და მათ გამოვადგები 2023 წელს



იბდა საქართველოს ნაკრები და მეც გამომიძახეს. 13 წლიდან საქართველოს ნაკრების წევრი ვარ. თუმცა, საქართველოში ქალთა ფეხბურთი პროფესიონალურად არ იყო განვითარებული, არ ტარდებოდა ჩემპიონატები, ამიტომ მეგობრის დახმარებით თურქეთში წავიდი და ათი წელი იქ ვითამაშე. - რთული იყო უცხოეთში, ოჯახისგან შორს ცხოვრება? - თავდაპირველად, შიშიც კი მქონდა - არ ვიცოდი, რა იქნებოდა,



რა გადამხდებოდა თავს. 10 წელი ვიყავი მშობლებისგან შორს, ძალიან მიჭირდა. ხანდახან მთელი წელი ისე გავიდოდა, ვერ ჩამოვდიოდი. თითქმის ახლოსაა თურქეთი, მაგრამ დასასვენებლად მხოლოდ ოთხ დღეს გვძლევდნენ. ამ ოთხ დღეში კი ჩამოსვლას და უკან წასვლას ვერ

ნიეროდ, ქართველებს ყოველთვის გვაქვს. ბოლომდე ვიბრძოლეთ. მეორე ტაიმში სულ სხვა ემოციით გავიდეთ და შედეგიც მივიღეთ. მადლობა ჩემს გუნდს, მწვრთნელებს, გულშემატკივრებს, ყველანი მაქსიმალურად ჩართული იყვნენ ამ ამბავში.

- გოლი გარდაცვლილ ხუთი წლის დისშვილს მიუძღვნით...

- კი. ძალიან მიყვარდა, ჩვენს სახლში გაიზარდა და განსაკუთრებული გრძნობა მქონდა მის მიმართ. 14 დისშვილი მყავს - შვიდი დედამიშვილი ვართ, ყველა უზომოდ მიყვარს. მაგრამ... თავისით მოდის ემოცია, ბევრჯერ მიტირია კიდეც მოედანზე. ყველა მნიშვნელოვან თამაშზე მისი სურათით გავდივარ, რომელიც ფორმის ქვეშ, ტოპზე ან მაისურზე მაქვს მიმაგრებული... ძვლის ტვინის გადანერგვა დასჭირდა. ყველაფერი მოვიპოვეთ: დაფინანსება, დონორიც უცებ ვნახეთ, შეთავსებაც მოხდა, იდეალურად მიდიოდა საქმე, მაგრამ არ ვიცო, რა მოხდა, ექიმების შეცდომა იყო თუ... სისხლი მოეწამლა, ბოლოს აპარატზე შეაერთეს და ვეღარ გაუძლო...

- როგორი დამოკიდებულება აქვს საზოგადოებას, როცა იგებენ, რომ ფეხბურთელი ხართ და ოჯახში რას გეუბნებოდნენ თავიდან?

- პატარა რომ ვიყავი, დედისგან მქონდა წინააღმდეგობა, მეუბნებოდა: გოგო ხარ, გეტყვინება, რაღაც დაგიშავდება, დაგიზიანდებაო. მამა კი ყოველთვის მხარს მიჭერდა. მეორე დედაც შეეგუა და ფინანსურადაც დამიდგნენ გვერდში. დღემდე

ასეა. რაც შეეხება საზოგადოებას, ჯერ იმას ვერ არჩევ, ბიჭი ვარ თუ გოგო. ფეხბურთელი ვარ-მეთქი, როცა ვამბობ, ვერ წარმოუდგენიათ და კითხვას მიბრუნებენ: აა, ფრენბურთელი? ახლა ორმაგად ბედნიერი ვარ, რადგან მთელმა საქართველომ გაიგო ქალთა ფეხბურთის შესახებ და აღარ დამდღიან კითხვით - „ბიჭები ვერაფერს აკეთებენ და თქვენ რა უნდა ქნათ?“

- ერთ თამაშში 15 გოლი გაიტანეთ, როგორ მოახერხეთ?

- საქართველოს გუნდთან გვქონდა თამაში, დამწყები ბავშვები იყვნენ - 15-17 წლის. მაშინ ბომბარდირობისთვის მჭირდებოდა ბევრი გოლი. მოწინააღმდეგე ბავშვებს ვამხნევებდი, ზოგმა იტირა კიდეც, ამდენი გოლი რომ გავიდა. ამას ძალიან განვიცდიდი, მაგრამ... სხვა გზა არ გვაქვს, ჩვენი საქმე უნდა ვაკეთოთ.

- ამჟამად ქალთა საფეხბურთო კლუბ „ბათუმი“ თამაშობთ. რატომ აირჩიეთ?

- მინდა გითხრათ, რომ თვითონ ბათუმმა ამირჩია. ჩემი პირველი კლუბი საქართველოში სწორედ „ბათუმი“ იყო. ის პერიოდი ძალიან კარგად მახსენდება. ერთად ბევრი საინტერესო და კარგი საქმე გავაკეთეთ. ახლაც თითქმის იგივე ფეხბურთელები დამხვდნენ, სტაფიც იგივეა. აქაურობასთან უამრავი სასიამოვნო მოგონება მაკავშირებს, ძალიან კარგი ადამიანები არიან. გამიხარდა, რომ შევთანხმდით. ვფიქრობ, შედეგიანი ტრანსფერი გააკეთეს და მათ გამოვადგები 2023 წელს. „ბათუმთან“ ერთად ბევრ წარმატებას მივაღწევ, ამისთვის კი ერთად ვიბრძოლებთ.

- თებერვლის დასაწყისში თურქეთის მიწისძვრას პირადად შეესწარიეთ და იქაურობის დატოვება მოგიხდა...

- დიახ, ბათუმში ჩამოსვლამდე იქ ვთამაშობდი. რაც შეეხება მატჩიში მომხდარს, ცვდილობ, რომ ყველაფერი დავივიწყო. ყველაფერს ვაკეთებდი იმისთვის, რომ მდგომარეობიდან გამოვსულიყავი. არ მინდა ტრაგედიის დეტალების გახსენება. კატასტროფა ხდებოდა, 3 დღე კონტაქტზე ვერ გამოვდიოდი, აბსოლუტურად ყველაფერი გათიშული იყო. როდესაც სოციალურ ქსელში შესვლა მოვახერხე, ვნახე, რომ მთელი საქართველო ნერვიულობდა. უამრავი პოსტი დაიდო და უამრავი შეტყობინება მივიღე. ჩემი ოჯახიც კი ჩემი ჯანმრთელობის მდგომარეობის შესახებ სოციალური ქსელის მეშვეობით იგებდა.

- ამირეზი თურქეთში დაბრუნებას?

- თუ ისევ შეიკრიბება გუნდი, რა თქმა უნდა, დავბრუნდები, ოღონდ სექტემბერში. მანამდეც ვაპირებდი წასვლას, მაგრამ მშობლების თხოვნით და ასევე, მოვლენებიდან გამომდინარე, აღარ წავიდი.

## „2013 წლამდე წარმოუხუთი ავტომობილების იმპორტის შეზღუდვა ბაზრისთვის ძალიან მტკივნეული არ იქნება...“

ეს სიტყვები გარემოს დაცვისა და სოფლის მეურნეობის მინისტრ ოთარ შამუგიას ეკუთვნის. მისი განმარტებით, წინა წლის მონაცემებით, ევრო 5 სტანდარტის ავტომობილების იმპორტი სრული ოდენობის 58%-ს შეადგენდა. როგორც მინისტრმა მთავრობის სხდომის შემდეგ გამართულ ბრიფინგზე აღნიშნა, იმ დროისთვის, როდესაც კანონი ძალაში შევა, 2013 წლამდე წარმოებული ავტომობილები, სულ ცოტა, 11 წლის იქნება, რაც, მისი თქმით, საკმაოდ ძველია, ამიტომ კანონი დიდ გავლენას ქვეყანაში შემოსული ავტომობილების ძირითად ღირე-

ბულებზეც არ მოახდენს. „ბოლო წლების განმავლობაში, ევრო 5 სტანდარტის ავტომობილების იმპორტი გაცილებით იზრდება, რაც ძალიან კარგია. იმპორტის შეზღუდვა ბაზრისთვის ძალიან მტკივნეული არ იქნება, ვინაიდან, წინა წლის მონაცემებით, ევრო 5 სტანდარტის ავტომობილების იმპორტი 58%-მდე იყო. თუ ავიღებთ ამ წლის ხუთ თვეს, მსგავსი ავტომობილების რიცხვი 65%-მდე გაიზარდა. ბოლო წლების განმავლობაში, მთლიან იმპორტში ევრო 5 ავტომობილების რიცხვი ძალიან იზრდება და ეს მნიშვნელოვანია.



ჩვენ, აუცილებლად, უნდა გიზრუნოთ ეკოლოგიასა და გარემოზე, ეს მნიშვნელოვანია. ამის გამო ვახსენე, რომ მსოფლიოს ქვეყნების უმრავლესობას ეს სტანდარტი მიღებული აქვს. 2024 წლისთვის 2013 წლის ავტომობილები 11 წლამდე იქნება და იქიდან გამომდინარე, რომ ამ ასაკის მანქანა უკვე საკმაოდ ძველია, ვფიქრობთ, რომ ქვეყანაში შემოსული ავტომობილების ძირითად ღირებულებასაც დიდ გავლენას არ მოახდენს“, - განაცხადა გარემოს დაცვისა და სოფლის მეურნეობის მინისტრმა.

ამირან ბერიძე



# ფურტიოს სკოლა საუკუნოვანი იუბილესთვის ემზადება

შუახვევის რაიონის ტერიტორიაზე ქართული სკოლა ერთდროულად რამდენიმე სოფელში აღდგა. მედრესიების ქართული სკოლებით ჩანაცვლებას ისტორიული მნიშვნელობა ჰქონდა. 1923 წლის შემოდგომა ღირსსახვარ თარიღად რჩება სოფელ ფურტიოსთვის. სოფლის, სკოლის წარსულსა და დღევანდლობაზე ფურტიოს საჯარო სკოლის დირექტორი ნაზი ქამბაძემ გვესაუბრა

- 1897 წლის აგვისტო ოსმალთა ტყვეობისგან გამოსხილი ფურტიოსთვის გამორჩეული თარიღია. აქაური იუნუს ბერიძე ცნობილ ეთნოგრაფს, მწერალს, ქართული სიტყვის მეხოტბე თედო სახოკიას სოფელში შემოუძღვა და ოჯახში მიიპატიჟა. ფურტიოელები, იუნუს ბერიძის შთამომავლები დღესაც ელოდიან იმ ღაზური სტილით აგებულ სახლს, სადაც თედომ ღამე გაათია. თავის წიგნში «მოგზაურობანი» ისე ნათლად, ამომწურავად აღწერა ფურტიოს მამინდელი მდგომარეობა, რომ ზოგიერთ მკვლევარს დღესაც გაუჭირდება რეალური სურათის ასე წარმოჩენა. ეთნოგრაფი და მოგზაური აჭარის მთიანეთში ერთ ექიმს, მეცნიერს, განსწავლულ პიროვნებას ნატრულობდა. მამინ ვერავინ იფიქრებდა, რომ იუნუსის შვილი ლევანი 11 შვილის მამა გახდებოდა და მისი შთამომავლები მეცნიერების, საზოგადოებრივ სარბიელზე ღირსეულ სახელს სტატუსით მოქმედებდა და სათავეში ლევან ბერიძე ედგა. საქართველოში გვაქვს წოდება - «ხელოვნების ქურუმი». გადაჭარბებული ნამდვილად არ იქნება, რომ ლევან ბერიძეს «განათლების ქურუმი» ვუწოდოთ. ის წლების განმავლობაში შუახვევის რაიონის განათლების განყოფილების გამგე იყო. სიტყვისა და საქმის ერთგულ, ეროვნული სულისკვეთების პიროვნებას ახლო, მეგობრული, კოლეგიალური ურთიერთობები ჰქონდა ქვეყნის



მამინდელი უმაღლესი სასწავლებლების რექტორებთან, აჭარის მამინდელ ლიდერ დავით მამულაძესთან. მათი რეკომენდაციით, აჭარის მთიანეთიდან ნიჭიერი ჰაბუკები და ქალიშვილები უმაღლეს განათლებას ღებულობდნენ და მშობლიურ კუთხეს ეროვნული მეთურნობის ცალკეული დარგების სპეციალისტებად უბრუნდებოდნენ. მეც ვიყავი იმ ინიციატივის მონაწილე, რომ სკოლას ლევან ბერიძის სახელი მიკუთვნებოდა. წარსულში რაც კარგი, ეროვნული, საზოგადოებისთვის სასარგებლო და მისაღები იყო, აწმყოშიც უნდა ვაცოცხოთ, მომავალ თაობებს შემოვუნახოთ. ლევან ბერიძის საქმე და სახელი ყოველთვის და ყველა დროში დასაფასებელია.

**- საუკუნოვანი გზა მარტო ერთი პიროვნების ღვაწლით არ განისაზღვრება...**

- გეთანხმებით. სკოლის სახელი ჩვენამდე თაობებმა მოიტანეს. გამოჩეხულად დასაფასებელია იმ პედაგოგების ღვაწლი, რომლებიც ქვეყნის ცალკეული კუთხეებიდან იყვნენ მოვლინებულნი და საკუთარი წვლილი შეიტანეს ფურტიოელთა შვილების აღზრდაში. საიუბილეო სამზადისს უკვე ვიწყებთ. ვაზუსტებ იმ პედაგოგთა გვარ-სახელებს, რომლებმაც კერძო სახლში აღდგენილი სკოლიდან დაიწყეს საქმიანობა. მათი რაოდენობა 200-ს უახლოვდება. სკოლას სათავეში ქალებიც ედგნენ. უკვე წუთისოფელში აღარაა მარი არმენაძე-დასასამიძე, ინგა ბოლქვაძე კი ახლაც სერ-

ტიფიცირებული მასწავლებლის სტატუსით მუშაობს და წარმატებული პედაგოგის სახელი აქვს. სხვადასხვა წელს, სკოლის დირექტორები მოვლინებული პედაგოგებიც იყვნენ და ადგილობრივებიც. რამდენიმე წლის განმავლობაში სკოლას ლევან ბერიძის ვაჟიც ხელმძღვანელობდა.

**- აჭარის მთიანეთში იშვიათია სკოლა, რომელსაც ფურტიოს საჯარო სკოლის სადარი მატერიალურ-ტექნიკური ბაზა აქვს.**

- ფურტიო მარტო შუახვევში კი არა, აჭარის მთიანეთში კვლავ რჩება მრავალკომლიან დასახლებად. მოსწავლეთა კონტინენტსაც არ ვუჩივით. წელს სკოლას 16 კურსდამთავრებული ჰყავს. ახალ სასწავლო წელს ათზე მეტ პირველკლასელს მივიღებთ, რაც მოქმედ საჯარო სკოლებში ყველაზე მაღალი მაჩვენებელია. დახურული სპორტული დარბაზი, ღია სპორტული მოედანი, თანამედროვე ინვენტარით აღჭურვილი საკლასო ოთახები, ლაბორატორიები, კვალიფიციური პედაგოგიური კადრები ყველა პირობას ქმნის, რომ სასწავლო-აღმზრდელობითი პროცესი, კლასგარეშე მუშაობა განათლების სისტემაში მიმდინარე რეფორმების შესაბამისად წარიმართოს. 3 ათეულ წელზე მეტია ამ სკოლაში ვმუშაობ. კარგად მასწავს ძველი შენობა, რომლის იატაკი ერთხელ კიდეც ჩაინგრა და მოსწავლეები დაზიანებას ბედად გადაურჩნენ. 21-ე საუკუნის დასაწყისში ხის ძველი შენობა ახლით შეცვალეს, თუმცა იგი მოთხოვნებს ვერ აკმაყოფილებდა. აჭარის ავტონომიური რესპუბლიკის ხელმძღვანელობის ძალისხმევით, 2019 წლიდან ახალ შენობაში ვართ. პედაგოგები აქტიურად მუშაობენ. მარტო მიმდინარე სასწავლო წელს სხვადასხვა სახის 32 ღონისძიება გაიმართა, რომელიც მოსწავლეთა ეროვნული და პატრიოტული სულისკვეთებით აღზრდას, ზოგადი უნარების გამოუმუშავებას, მეგობრობას, ეთიკისა და ესთეტიკის ნორმების დაცვას, ქვეყნისა და კუთხის ადამიანების პატივისცემას ეძღვნებოდა. საზოგადოების მოწოდება დაიმსახურა ქართული ენისა და ლიტერატურის მასწავლებელ ფატი მახარაძის ინიციატივით ჩატარებულმა მხატვრული-ლიტერატურულმა კომპოზიციამ «სიმღერა-ლექსი სამშობლოში». ნორმალური მატერიალური ბაზა გახდა იმ

მიღწევების წინაპირობა, რაც სპორტის მიმართულებით გვაქვს. ჭიდაობის სექციასთან ერთად, რაგბის სექციაც შეიქმნა.

**- ფურტიოელები რაიონში რაგბის პიონერებად ითვლებოდნენ...**

- არიან ადამიანები, რომლებიც გამორჩეულ სახელს ტოვებენ სოფლის, კუთხის ისტორიაში. ფურტიოელები, აქაური რაგბის მოყვარულები ამავს არ ვუკარგავთ ქუთაისელ, ქართული რაგბის პიონერ რამაზ სვანიძეს. იგი სოფლის მამინდელმა ხელმძღვანელმა ზაურ ხიმშიაშვილმა ჩამოიყვანა ფურტიოში. სოფლისა და სკოლის ახალგაზრდობის ბაზაზე გოგონათა გუნდებიც ჩამოაყალიბა. ფურტიოელებს გვაქვს საამაყო, რომ აჭარის მთიანეთში სპორტის ამ სახეობამ ფეხი პირველად ჩვენთან მოიკიდა. შუახვევში რაგბის ფესტივალებიც ტარდებოდა. ამან განაპირობა, რომ სოფელში თანამედროვე სტანდარტების შესაფერისი რაგბის სტადიონის მშენებლობა წამოგვეწყო. მართალია, მისი მშენებლობა დროში გაიწელა, მაგრამ ახლა გარკვეული წინსვლაა - სოფელში რაგბის ფედერაციის ხელმძღვანელები ჩამოვიდნენ და იმედი მოგვცეს, რომ სარეგონსტრუქციო სამუშაოები მალე დაიწყება.

**- სოფლები ახალგაზრდებისგან ცარიელდება და... რამდენად შესაძლებელია ფურტიოში გუნდის შექმნა?**

- როცა ნორმალური მატერიალური ბაზა იქნება, გუნდები შეიკრება.

**- სკოლის საუკუნოვან იუბილეს რა ფორმით აღნიშნავთ?**

- თვითმმართველობის ადგილობრივ ორგანოებთან შეთანხმებით, იმ პედაგოგების შთამომავლების მოწვევას ვაპირებთ, რომლებმაც მნიშვნელოვანი წვლილი შეიტანეს ახალგაზრდების სწავლა-აღზრდაში. ზურაბ, ეთერ, ამირან ბერიძეების, ბეგლარ მახარაძის, აქაური მელიქიშვილების, ხილაძეების სახით გვყავს სახელოვანი თანასოფლელები. საიუბილეო სამზადისში მათ ჩართვასაც ვაპირებთ.

**- სასკოლო რეფორმა სკოლის ხელმძღვანელს, თითოეულ პედაგოგს დიდი გამოწვევების წინაშე აყენებს. რა გეგმები გაქვთ?**

- პირველ რიგში, მნიშვნელობას პროფესიულ დაოსტატებას ვანიჭებთ. პედაგოგები მაქსიმალურად არ-

იან ჩართულნი ცალკეულ პროგრამებში, მოქმედებს სასკოლო და დებატ-კლუბები. მასწავლებლები მონაწილეობენ სწავლებებში. უფროსი მასწავლებლების აქტიურობა საფუძველს იძლევა, რომ სკოლაში მენტორი მასწავლებელი გვეყოლება. პედაგოგის საქმიანობის ბარომეტრი ისევ და ისევ, კურსდამთავრებულთა მიერ ერთიან ეროვნულ გამოცდებზე მიღებული შედეგებია. ამ მხრივაც ცუდი სტატისტიკა არ გვაქვს.

**- სკოლის დირექტორი პოლიტიკურ ასპარეზზეც ჩნდებით...**

- ეს ამბიციურობაში არ ჩამოთვალთ. როცა მმართველი პარტიის ადგილობრივი ხელმძღვანელობის მთელი ძალისხმევა სოფლის წინსვლისა და მოსახლეობის კეთილდღეობის ამაღლებისკენაა მიმართული, ამ საქმეში ყველა უნდა იყოს ჩართული. ფურტიოს სკოლის შექმნაზე უკვე გითხარით. ამას ემატება თანამედროვე სტანდარტების შესაფერისი ბაგა-ბაღი, «სოფლის სახლი». ერთ დროს გაუქმებული სასოფლო ბიბლიოთეკაც აღადგინეს. მოსახლეობის ჯანმრთელობის დაცვის სამსახურშია პირველადი ჯანდაცვის ცენტრი და ყველა ემადლიერება ექიმ პალე მჭავინაძეს. სოფლის ცენტრამდე გზა მოასფალტებულია, ბეტონის საფარი და იგო უბნებში მისასვლელ გზებზე. ბოლო წლებში ორი არქეოლოგიური ექსპედიცია მოეწყო ფურტიოში არსებული ისტორიული ძეგლების შესასწავლად. გათხრების შედეგად უნიკალური ექსპონატები და არტეფაქტები აღმოჩინეს. «თამარობის» დღესასწაული წამოვიწყეთ, და წყაროც გაკეთდა... ამ ფონზე, შეუძლებელია ფურტიო არ იაქტიურო. იყო შემთავაზება, რომ «ქართული ოცნება-დემოკრატიული საქართველოს» პროპორციული სიით შუახვევის მუნიციპალიტეტის საკრებულოს წევრად მეყარა კენჭი...

**- სოფელში სკოლის დირექტორს, პედაგოგს განსაკუთრებულ პატივს სცემენ...**

- მოსახლეობის, მშობლების თანადგომა მართლაც არ გვაკლია. ჩვენც ვცდილობთ, მიწოდებოთ საქმე პასუხისმგებლობით ვაკეთოთ. ის, ვინც დღეს სასკოლო მერხებს უზის, ჩვენი მომავალია. სკოლიდან გაყოლილი ცოდნა, ერისა და ქვეყნის სიყვარული უნდა იყოს მათი გზამკვლევი.

## სტუმრად – ქვეით ბრიგადაში

ქართული ჯარი უკვე მნიშვნელოვან სტრუქტურად ჩამოყალიბდა. ჯარისკაცური საქმიანობის გაცნობის მიზნით, შუახვევის მუნიციპალიტეტის ქალის, ახალდაბის, ხიჭიურის, ოლადაურის, ბუთურაულის, ფურტიოს საჯარო სკოლების მოსწავლეები და მასწავლებლები სტუმრად იმყოფებოდნენ თავდაცვის ძალების დასავლეთის სარდ-

ლობის მე-2 ქვეით ბრიგადაში, სადაც ღია კარის დღე მოეწყო

მოსწავლეები და პედაგოგები, ღონისძიების ფარგლებში, სხვადასხვა შემეცნებით აქტივობაში ჩაერთნენ, გაეცნენ მე-2 ქვეითი ბრიგადის ისტორიას, რომელიც საფუძვლიანად და პატრიოტული სული-სკვეთებით წარმოადგინა მაიორმა როინ მაკარაძემ.

მოსწავლეებმა გვირგვინით შეამკეს ქვეყნის ერთიანობისა და დამოუკიდებლობისთვის დაღუპულ სამხედრო მოსამსახურეთა მემორიალი, განსაკუთრებული ემოციით გაისხენეს შინდისის გმირიც.

დათვალიერეს ბრიგადის შენობა-ნაგებობები, სპორტული კომპლექსი.

მოსწავლეებზე უდიდესი შთა-

ბეჭდილება მოახდინა შეიარაღებისა და ტექნიკის გაცნობამ, ჩასხდნენ საბრძოლო ჯავშანტექნიკაში, ისა-დილეს მე-2 ქვეითი ბრიგადის სასადილოში.

განსაკუთრებული ყურადღება მიიქცია გენერალ გიორგი კვინიტაძის სახელობის კადეტთა სამხედრო ლიცეუმის კადეტების მიერ წარმოდგენილმა ღონისძიებამ. აღ-

ინიშნა, რომ ლიცეუმის კურსდამთავრებულები წარმატებით აბარებენ ერთიან ეროვნულ გამოცდებს, 50 პროცენტი იღებს სახელმწიფო გრანტს 100, 70 და 50-პროცენტისანი დაფინანსებით. რამდენიმე მოსწავლემ იქვე გამოთქვა ლიცეუმში სწავლის გაგრძელების სურვილი.

- შუახვევის რესურსცენტრის სახელით მადლობას ვუხდით თავდაცვის ძალების ამ შესაძლებლობისთვის, განსაკუთრებული მადლობა მე-2 ქვეითი ბრიგადის ხელმძღვანელობას, ბრიგადის მეთაურს, პოლკოვნიკ ირაკლი ჭითანავას და ბრიგადის მეთაურის მოადგილეს, ვიცე-პოლკოვნიკ დავით ბოლქვაძეს გულთბილი მასპინძლობისთვის. პროექტი გაგრძელდება სექტემბრიდან და სხვა სკოლებიც მიიღებენ მონაწილეობას. ამჟერად ჩვენი მეგზური და ხელმძღვანელი შუახვევლი, სოფელ ოლადაურის მკვიდრი და საზოგადოებასთან ურთიერთობის სამსახურის უფროსი როინ მაკარაძე იყო, რომელმაც გავაცა თავისი განსწავლულობით, პატრიოტიზმითა და შემართებით. მან სტუმრებს საკუთარი ლექსების კრებული უსახსოვრა, - გვითხრა შუახვევის რესურსცენტრის უფროსმა ედუარდ გოგრაჭაძემ.



გვერდი მოამზადა ოთარ ცინარიძემ



# მსოფლიო ჩემპიონატის გამარჯვებულები დასახილდნენ

მანანა პიპიშვილი 598 24 94 97

5-დან 11 ივნისის ჩათვლით, ბათუმში მსოფლიო ჩემპიონატის მასპინძლობდა სწრაფ და ელვისებურ ჭადრაკში 8, 10, 12, 14, 16 და 18 წლამდე ასაკის ჭაბუკთა და გოგონათა შორის, რომელიც მსოფლიო ჭადრაკის (ფიდეს), საქართველოსა და აჭარის ჭადრაკის ფედერაციების ორგანიზებით, საქართველოს კულტურის, სპორტისა და ახალგაზრდობის სამინისტროს, აჭარის განათლების, კულტურისა და სპორტის სამინისტროს, სპორტის დეპარტამენტის, ბათუმის მუნიციპალიტეტის მერიის, რეგიონის სრული მხარდაჭერით ჩატარდა.

ლონისძეებაში 35 ქვეყნის 459 სპორტსმენი მონაწილეობდა. საქართველოდან, როგორც მასპინძელი ქვეყნიდან, 120-მა მოჭადრაკემ იასპარეზა, აქედან 22 აჭარის წარმომადგენელი იყო.

6 ივნისს ჩემპიონატი გაიხსნა, ხოლო 11-ში დახურვის ოფიციალური ცერემონია გაიმართა. ამავე დღეს გამარჯვებულები და საპრიზო ადგილზე გასული მოჭადრაკეები დააჯილდოვეს.

დახურვის ცერემონიას ქალაქ ბათუმის მერი არჩილ ჩიქოვანი, მსოფლიოსა და ევროპის საჭადრაკო ფედერაციების, საქართველოს კულტურის, სპორტისა და ახალგაზრდობის სამინისტროს წარმომადგენლები, აჭარის განათლების, კულტურისა და სპორტის მინისტრის მოადგილე ბადრი ნაკაშიძე, აჭარის სპორტის დეპარტამენტის უფროსი ირმა ნიჟარაძე, აჭარის



უმაღლესი საბჭოსა და ბათუმის საკრებულოს დეპუტატები ესწრებოდნენ.

სწრაფ და ელვისებურ ჭადრაკში, ასევე კომპოზიციების ამოხსნაში სხვადასხვა სინჯის მედალი ათეულობით მოჭადრაკემ დაისაკუთრა. გაიმართა ქართველი და უკრაინელი ჩემპიონი მოჭადრაკეების მეგობრული მატჩი, რომელიც ყაიმიტით დასრულდა.

საქართველოს მონაგარი ასეთია: 14 წლამდე გოგონათა შორის სწრაფ ჭადრაკში 11-დან 9,5 ქულით ანასტასია კირთაძე ოქროს მედალის მფლობელი გახდა, ხოლო ელვისებურ ჭადრაკში მანვე 11-დან 8,5 ქულით ვერცხლის მედალი დაისაკუთრა.

18 წლამდე გოგონათა შორის 11-დან 7 ქულა დააგროვა და ბრინჯაოს მედალი მოიპოვა დიანა ლომი-

იამ.

ელვისებურ ჭადრაკში 10 წლამდე გოგონათა შორის 11-დან 8 ქულით ბარბარე ჭიოკაძემ მეორე ადგილი დაისაკუთრა.

წარმატებული იყო ბათუმელი კესარია მეგლადის გამოსვლა, მან 14 წლამდე ასაკის მოჭადრაკეებს შორის ბრინჯაოს მედალი დაისაკუთრა. მანვე პირველი ადგილი აიღო კომპოზიციების (ეტუდების) ამონაშნაში.

- მნიშვნელოვანი იყო ის, რომ ჩემს ქვეყანაში და, მით უმეტეს, ჩემს ქალაქში მოვიპოვე მედალი. მეგონა, უკეთეს შედეგს მივალწვედი სწრაფ ჭადრაკში, თუმცა ელვისებურში შევძელი და ბრინჯაოს მედალი მოვიპოვე, ეტიუდების ამონაშნაში კი პირველი ადგილი დავისაკუთრე, - გვითხრა კესარია მეგლადემ.

- ჩემთვისაც ერთ-ერთი საუკეთესო დღეა - პირველად მსოფლიო ჩემპიონობა ჩემს ქვეყანაში მოვიპოვე და აქვე აუღერდა ჩემი სამშობლოს ჰიმნი... მეორე ადგილი ავიღე ელვისებურში, თუმცა, რა თქმა უნდა, შედეგით უკმაყოფილო არ ვარ, - თქვა ანასტასია კირთაძემ.

- საქართველოს რამდენიმე გამარჯვებული ჰყავს. დიდი მადლობა ჩემპიონთა ტურნირში მონაწილე თითოეულ მოჭადრაკეს. ეს იყო ბავშვების მიმართ გამოხატული მხარდაჭერა. სპორტის გამორჩეული თვისებაა ხალხთა შორის ურთიერთობებისა და მეგობრობის კიდევ უფრო გაღრმავება, - აღნიშნა ბადრი ნაკაშიძემ.

- ბათუმმა კიდევ ერთხელ უმასპინძლა ძალიან მნიშვნელოვან საჭადრაკო ჩემპიონატს, მინდა მადლობა გადავუხადო ყველა ორგანიზატორს, თითოეულ მონაწილეს, მივულოცო გამარჯვებულებს. სასიხარულო ფაქტია, რომ მსოფლიო საჭადრაკო რუკაზე ბათუმი, ისევე, როგორც წინა წლებში, წარმოჩნდა როგორც წარმატებული სპორტუ-



ლი, ევროპული ქალაქი. მინდა ვუსურვო წარმატებები ყველა იმ ადამიანს, ვინც ეს შესანიშნავი ღონისძიება, სპორტული დღესასწაული მოუწყო ჭადრაკის მოყვარულებს, - გვითხრა არჩილ ჩიქოვანმა.

საქართველოს ჭადრაკის ფედერაციის პრეზიდენტმა აკაკი იაშვილმა მადლობის სიტყვები გადასცა ყველას, ვინც მნიშვნელოვანი წვლილი შეიტანა ტურნირის მაღალ დონეზე ორგანიზება-ჩატარებაში.

## ლიტერატურა

# „მთავარია, გავხვიოთ ალალ იყო“

ლუაზ ხომეიკი 593 50 82 69

ლექსების ყველაზე წრფელი და სამართლიანი შემფასებლები ბავშვები არიან, მათი გულის მოგება მხოლოდ ჭეშმარიტ პოეტს შეუძლია, პოეტს, რომელიც ბავშვის თვლითა და გულით აღიქვამს სამყაროს და სიკეთეს, სიყვარულს თესავს.

სწორედ ასეთი თვისებებით გამოირჩევა საბავშვო პოეტი **შოთარ ჩხიტიშვილი**, რომელთან შეხვედრასაც ასობით ბავშვი პოეზიის ზეიმად აღიქვამს. არაერთ საჯარო სკოლაში მიიწვიეს ქალბატონი ფიქრია და მოსწავლეებმა მის ლექსებსა და ზღაპრებზე შექმნილი მხატვრული მონოსპექტაკლი დაუვიწყარ სანახაობად აქციეს.

- ქალბატონო ფიქრია, ამ შეხვედრების მნიშვნელობა და გავლენა თქვენს შემოქმედებაზე...

- სკოლებში მიწვევა და ბავშვებთან შეხვედრა განსაკუთრებულად მიხარია - გვდებო, რომ ჩემი სიტყვა ადრესატამდე მივიდა. ცოცხალი ურთიერთობისას, დიალოგის რეჟიმში უფრო ახლოს ვცნობი ბავშვთა სამყაროს, რაც უთუოდ მენდარება სამომავლო საქმიანობაში.

- როცა თქვენს ლექსებზე იწერება მუსიკა და მღერიან...

- გული მიჩუყდება, სიამაყე და მადლიერება მიპყრობს...

- დღეს საქართველოში ბევრი პოეტია, მაგრამ საბავშვო - თითოე ჩამოსათვლელი. წერო ბავშვებისთვის, პოეტურ ნიჭთან ერთად, კიდევ რას მოითხოვს?

- ძალიან უნდა გიყვარდეს ისინი, აუცილებლად ბავშვის თვალით უყურებდე სამყაროს, მათსავით ფიქრობდე და აზროვნებდე და, რაც მთავარია, იყო ბავშვებით ალალ.

- თქვენი ლექსების თემატიკა და იდეა ინტერესს იწვევს - ცხოველთა მრავალფეროვან სამყაროში ამოგზაურებთ ბავშვებს, ეზოპეს



ენას იმარჯვებთ. როგორია პატარა მკითხველების ემოციები, როცა გასმენენ?

- თქვენ ის უნდა იკითხოთ, როგორია ჩემი ემოციები, როცა მათ ვუსმენ. სხეულში ვერ ვეტყვი. საოცარი განცდა! ბავშვობაში ჩემი უმცროს ძმებს ვუყვებოდი ზღაპრებს, რომლებიც პირდაპირ თხრობისას იქმნებოდა. ძალიან მოსწონდათ და გულისყურით მისმენდნენ. ჭერ შვილების, შემდეგ შვილიშვილის დაბადებამ მეტი ბიძგი მომცა საბავშვო ლიტერატურის შესაქმნელად. ეზოპეს ენას მოგვიანებით მივმართე, როცა საკმარისზე მეტად ვიწვნიე ავი. ირიბად ნასროლი ისარი პირდაპირ ჭრისო, ამბობდა კონსტანტინე გამსახურდია. არასოდეს ვწუწუნებ. ეს მხოლოდ ლიტერატურული მითითებაა. ამ უნარს აუცილებლად გავაგრძელებ.

- ზღაპრების ციკლიც შექმენით. მათგან ყველაზე უკეთ რომელ ზღაპარში შესძელით ჩანაფიქრის ფრთაშესხმა?

- ძალიან მიყვარს ჩემი ზღაპარ-

პროექტი - „მელაკუნა მოლის გაკეთილები“. ეს დიდაქტიკური ხასიათის ნაწარმოები მიზნად ისახავს მცირეწლოვან ბავშვებში იმ ფუნდამენტური ღირებულებების ჩამოყალიბებას, რომლებზეც დგას, ზოგადად, ადამიანობის არსი და რომელიც, ვფიქრობ, არასოდეს იქცევა დროის მსხვერპლად. „მელაკუნა მოლის გაკეთილები“ დინამიკური პროექტია, რომელიც გაგრძელდება. ბავშვებს წინ კიდევ უამრავი საინტერესო გაკეთილი ელოდებათ.

- პატარა მკითხველი როგორია, რას ითხოვს ის მწერლისგან?

- საბავშვო მწერალი პატარებს მარტივ, მათთვის გასაგებ ენაზე უნდა ესაუბრებოდეს. მასალა, შემეცნებითი ერთად, აუცილებლად უნდა იყოს სახალისო, უბირველესად კი საბავშვო მწერალი უნდა იყოს გულწრფელი. პატარებს ვერ მოატყუებ, ისინი შენში შინაგან ბავშვს ხედავენ.

- სანამ სამწერლო გზას დაადგები, ანუ საიდან მოდისხარ, გარემო, სადაც გაიზარდე, რა გისავსლათ მშობლიურმა ბუნებამ?

- გავიზარდე პედაგოგების ოჯახში. უბედნიერესი ბავშვობა მქონდა, რისთვისაც მშობლების მადლობელი ვარ. არასოდეს აუწევიათ ხმისთვის ჩვენს სახლში, დედა და მამა უსაზღვროდ სცემდნენ პატივს ერთმანეთს და ამას დემონსტრაციულად გვაჩვენებდნენ. ეს იყო ყველაზე დიდი საჩუქარი, ძვირფასი მემკვიდრეობა, რამაც სულიერი სიმშვიდე და სასიცოცხლოდ აუცილებელი ენერგია მომცა.

- გზას, რომელსაც ადგახართ, სხარულთან ერთად საწუხარც ახლავს. ყველაზე მეტად რა გაწუხებთ?

- ყველაზე მეტად ადამიანებში უსიყვარულობა, სიკეთის ნაკლებობა მაწუხებს. ერთმანეთის მოსმენის უნარი დაგკარგეთ. სამწუხაროდ, ასეთ ადამიანებსაც შემახვედრა ცხ-

ოვრებამ და ყველაზე ცუდი, იცით, რა არის? როდესაც ხვდები, რომ შენი თავგანწირული მცდელობის მიუხედავად, მათ არ შეუძლიათ ნათქვამის არც გააზრება და არც გაგება... ამიტომაც ვანიჭებ უდიდეს მნიშვნელობას ბავშვებში ღირებულებების სწორად და დროულად ჩამოყალიბებას. ზრდასრულ ასაკში ამას თითქმის აღარაფერი შეეძლება.

- სამომავლო მიზნებსა და პროექტებზე რას გვეტყვით?

- ზოგადად, ლექსებისა და ნოვლების შესაქმნელად განსაკუთრებული ემოცია მჭირდება, აი, საბავშვო კი ნებისმიერ დროს, ნებისმიერ განწყობაზე შემძლია ვწერო. ეს, უდავოდ, ჩემი საქმეა და თუ უფლის ნება იქნება, წინ დიდი გეგმებიც მაქვს. გარდა ამისა, პედაგოგი ვარ და შინაგან კომფორტს ვერძინებ, როდესაც საბავშვო ნაწარმოებებში აღმზრდელით და ლიტერატურულ საქმიანობას შესანიშნავად ვუთავსებ ერთმანეთს.

- დიდი ოჯახის დიასახლისი ბრძანდებით და, როგორც ამბობენ, სანიმუშოც. გავაცანით თქვენი ოჯახი.

- რავაგილიანი ოჯახის რძალი ვარ. მყავს ფილოლოგი მეუღლე და ორი ვაჟი: უფროსი იურისტია, უმცროსი - აგროტექნოლოგი. ამ ეტაპზე, მხოლოდ ერთი შვილიშვილის - სამი წლის სოფიო გოგატიშვილის ბებია ვარ.

- ადამიანი ბედნიერი რომ იყოს, ამის წინაპირობად რა მიგაჩნიათ?

- ბედნიერებას არ აქვს ფორმულა. მე მინახავს ყველა წყალობით საესე და მაინც უბედური ადამიანები და მცირედით კმაყოფილი ხალხიც... ძალიან მიყვარს გამოთქმა - გინდა იყო ბედნიერი? იყავი! ამიტომ, ბედნიერებაა, როცა შეგიძლია იყო ბედნიერი!

- საწაულად რა მიგაჩნიათ? - სამყარო თავად სასწაულია!



- როცა დილით იღვიძებ, განწყობა, რომელიც გეუფლებათ და გასაზრდობთ...

- როდესაც ვიღვიძებ, გამობო: გამაღობ, უფალო, ყველაფრისთვის, რაც მაქვს. შემდეგ გულიმი მზეს! მზე და დარი მიყვარს უკიდევანოდ. ხშირად მიჩნდება სურვილი, მთელი დედამიწა ერთი ხელის მოსმით ჩავიხუტო!

- როცა განვლილ დღეს აანალიზებთ...

- კმაყოფილი ვარ, თუ შევძელი და რაიმე სასარგებლო გავაკეთე, თუნდაც ერთი მადლიანი სიტყვა ვუთხარი ვინმეს.

- როგორ გგონიათ, გულწრფელობა მოსწონთ ადამიანებს? თავად რამდენად გულწრფელი ხართ?

- ვთვლი, რომ გულწრფელი ვარ. დიან, გულწრფელობა მოსწონთ ადამიანებს, მაგრამ იყო გულწრფელი, არაა მარტივი, ამისთვის აუცილებელი პირობაა, არაფერი გქონდეს დასამალი.

- წუთისოფლის სტუმრები ვართ... როცა ამაზე ფიქრობთ.

- სულ ვფიქრობ, ჩემი არსებობით, ნეტავი, ცოტათი მაინც თუ გავალამაზე სიცოცხლე.

- გასძახეთ სამყაროს თქვენი უმთავრესი სათქმელი...

- ადამიანებო, გიყვარდეთ ერთმანეთი!